



味和堂詩集卷四

塞上悲秋集詩目

行役曉發

牛欄山

密雲縣


石匣鎮

南天門

古北口

兩間房

王家營



曉行

喀喇和屯

渡灤河

三岔口

雨行

熱河

感懷

即事

丹輪

初晴夜坐

晴

七月十五日對月

十八日對月

十九日對月

別圃

西岡晚眺

離愁

曉意

獨立

賣果缸

寄內

憶蔡若璞

不寐

值夜

奚兒賣馬歌

水際晚步二首

秋鷹

百鳥房

聞歌

秋水

晚眺

秋山

八月初三日對月

初四日對月

憶熊敏思陳南麓

夜

夜雨

苦雨

喜晴二首

聞內子季玉病

負手

漫游

國士

中秋對月疊七月望日韻

小樓晚眺次內子季玉見寄韻却寄

殊方

秋宵

月夜值所口占

入口

味和堂詩集卷四

男恪書勳校編

鐵嶺高其倬章之

塞上悲秋集

戊子春余分隸恒邱此丙申秋隨恒邱于熱河作起七月迄九月

行役曉發

飛鳥翔遙林銜哺戀故枝人生重離別况我親哀
時升堂告行役暗淚腸中垂未言向何處先說還
家期慈親起送我語好顏色悽愛我不肯哭願我
平安歸家貧萬事乏供饋倚病妻嫁衣典已盡不
復餘檐幃男兒羞低顏舍子將語誰在家同一愁
出門成兩悲傷心竄何物雙輪八馬蹄今日行門

前明日行天涯塞水鳴咽流木葉高下飛天晴尚
愁人風雨秋淒淒

牛欄山

潮白限重山齟齬勢未暢合流下潞灑百里赴平
曠健弩乍釋機萬馬齊振鞅崩瀾走白沙危防隕
高浪牛欄百尺岡崛起與相抗形較金焦微意勝
灑灑壯橫壓巨川東直逆洪流上聲殷風雨驚壁
立鬼神相崛強孤臣情傲岸勇士狀人村日妥貼
高枕看秋漲偉哉一拳石倦客為神王末俗劫聲
威匹夫氣凋喪薇蕨固須餐溝壑未敢忘

密雲縣

西風吹崇雲日暮雨滿衣我馬實虺隤底復鞭笞
為老鴉啄艸屋村晚炊烟微下馬叩人門徒侶同
時饑大道直馬首東望山參差潮河不可涉歷險
方自茲密雲古雄鎮土瘠居人稀築城者誰子久
客言語悲官作有定程工力不敢施前年春水生
力疾別江湄今年秋葉下頭白滯天涯猗嗟况瘁
人感惻危苦詞塞垣因行役猶勝歸無期

石匣鎮

一阪樂曲盤一水幾回渡白道入遙峯孤城隱烟

味和堂詩卷四
霧時清烽戍閒社小鄉人聚異地自情親遊子悲
行路斷嶺下牛羊斜陽照獨樹邊塞秋如何鄉國
已多露

南天門

亂山青叢叢復沓勢相礙峻阪盤其間呀谷宵藏
內徑仄崖脚歌溪怒石稜對深泥膠車輪馬力苦
不逮推後或挽前頻進亦屢退奮勢揮長鞭助叫
亂儕輩低從智井底仰躡飛鰲背豁然天宇開升
巔延勝槩連峰際碣滄雄勅睨恒岱右迴包神原
左抗阨幽寒溟漲拍天波陣簇萬馬隊轆轤賓從

游騰壓敵怨粹叢筍抽碧筴修眉展濃黛日上衆
壑頽烟深數峯晦今古無改形曉夕各異態晶熒
層巖間僧宇潔可愛雕牆礧角圭隆棟負綵績恢
麗自近今創始首何代芳援碧參差砌卉紅瑣碎
即事光景佳行遠中心悔赤曦高亭亭濕雲白霽
霽爽氣秋不來前路險仍在勞者何時蘇吁嗟委
穹載

古北口

九邊雄寰中古北乃其一北顧闕居庸南境抵遼
碣屹然介其間長垣兀積鐵高冒峯巒巔低竟蛟

蛇窟晴空展虹霓海勢現城闕千里不可窮隨山
遠曲折城頭一抔土黎庶九州血作俑趙與秦流
弊極明末貂璫秉國成書生總戎律志擬封狼胥
兵不踰房闥颯沓西風來萬騎射南月騰凌在俄
頃若賊虬蟬蝶深源竟喪師無恙空抱節可憐邊
沙中青燐照白骨城同夏鼎傾事與秋烟滅齷齪
何足論階厲病前哲不見張韓公築城門不設從
來守邊術能戰守可說更有必勝方千古同一轍
赤子付龔韓白麻命蕭葛

兩間房

曉見山色蒼暮見山色紫征車無停輪日日遠故
里出關道彌艱石亂途無軌行役良苦辛幽境乃
可喜林合蟬響交雨歇泉溜駛紛披襟樹花低亞
孤生蕊西風落崖端紅影動潭底盤鷹孤戾霄飲
鹿衆將子寺閒人外峯農散松間市晚宿傍巖村
人家近流水

王家營

朝見山上人羣行互牽挈暮宿山下村綠墻樹欄
柵父老為客言山深虎患劇夜夜攫羊豕食盡不
留豁朝朝看庭宇斗大見行跡種桃在北岡獨往

未敢摘養馬賣東村終畜恐無益軍屯有追呼往
往在曛夕公役有程期性命安敢惜語罷顏色悲
主客兩脈脈我亦飢癯人弱肉困搏迫山甯未肯
還人虎不容射法吏寢舊章壯士閒長戟晶熒日
月明跼促人境窄鬱鬱同苦辛憂患何時釋

曉行

蚤行無定時愁客苦夜永出門望明河月在西峯
頂木葉落衣上馬蹄踏人影荒雞樹上啼秋星露
中冷情愜耳目幽身倦道途迴犖确聞車聲更上
東南嶺

喀喇和屯

華言烏城
遠舊名也

列岫亘雲橫長河竟天瀉連岡起中央平趾受萬
舍人雜九州聲賈鶩百物價灼地驅衆禽斫穀樹
五稼晚禾綠歲蕤早稻紅穰稔氣象中土侔形勝
薊檀亞有遠起臨潢襟輔此憑藉抗吭朝霄奚折
筭笞方夏幕下列歌鍾馬上談王霸城猶延昔名
地幾開新榭締造雲雷屯荒侈江河下故物今孰
存圓月尚照夜西風吹殷墟弔古數悲咤

渡灤河

天晴濟灤河漲落水初縮沙岸復舊痕人家下平

陸方雨夏源溢萬騎怒棖觸及茲曉波平稚子戲
盥掬幻哉造物態萬變互倚伏牽馬就低岸榜舟
轉遙麓碧色淨琉璃風紋颺織縠青山亦多情千
里同迴曲返照上烟鬟秋影落明玉際天遠微茫
到海不信宿入雲石帆雙東南兩石帆繫樹漁艇獨
游鱗動鏡深晚蘋竟洲綠清賞惜須臾塵鞅苦羈
束灤陽舊扁舟清夢數相逐宦拙棲遲非頭白歲
月促敢與秋水盟理楫言可復

三岔口

白日下高空征車赴前路輾轉兩不停客子焉得

住故國秋茫茫迴顧見烟樹人生固多情青山自
朝暮

雨行

馬首山無限雲中日又西秋仍留滯暑雨不避輕
霓重險溪難涉多歧路易迷沉陰昧昏曉村晚有
鳴雞

熱河

天作高山地獻原萬靈翹首奉行軒眼中羊馬
西樓富頭上星辰北極尊五色雲來知入夏九州
人聚自成村年年雨露隨雕輦千里桑麻接塞

門

感懷

刺促悲生計棲遲異壯遊迴腸深貯泪短夢數通
愁風雨川原黑乾坤物象秋天涯獨歸處日暮鎮
低頭

即事

即事深無那勞生未有涯親衰貧念子妻弱病持
家窮塞三更雨昏燈一寸花已堪頭白盡况復有
清笳

丹輪

丹輪黃綬本天人珠斗聯輝近北辰魯有兩生皆
國士衛從七族盡親臣丈人可愛烏猶好社鬼為
妖樹亦神珍重從流戒舟楫水柔易狎是危津

初晴夜坐

羈客愁無寐生憎夜雨多今宵天色霽復柰月明
何涼露欺黃葉流星驀絳河青門無限意秋至又
蹉跎

晴

嶺北全無霧橋東亦少泥雲晴低貼地沙白遠明
溪久客人情熟平心物我齊坡陀青援外行藥擬

扶藜

七月十五日對月

秋至初當三五夜天邊剗滿十今時可能早上還
遲下只是殷勤照別離

十八日對月

雞人初報漏蟾魄又升東已側全身鏡猶開半偃
弓夢迴千里外頭白一宵中久客渾無賴題書待
早鴻

十九日對月

茲夕出方晚三更月未中仙人孤影瘦桂樹幾枝

空衣薄初涼露天寒欲暈風京華通夕坐愁絕此
宵同

別圃

閨風別圃緱山岑姬晉瑤笙鳳子琴白月無聲秋
漏永紅燈有影夜樓深儂邊藍尾知人意例外纏
頭識向心聞道蓬萊方覓藥鈞天不奏靜惛惛

西岡晚眺

孤寺小峰前登臨似昔年長安同日遠關塞得秋
偏草白新延馬林紅晚送蟬亭亭帆石影常並客
心懸

離愁

離愁不可說薄醉豈堪憑身迥方遙夜山深竟幾
層平鋪際天艸紅定遠村燈無限蕭森意題詩寄
未曾

曉意

殘漏聲疎落月遲五更鐘後獨醒時風吹牧火星
垂地鵲撼宮槐露滿枝白雪多情登蚤鬢青山有
夢記前期年來事事虛無補卷裡惟添出塞詩

獨立

將雛鳥匝含烟樹驅犢人歸返照村一片蒼茫秋

影裏天涯獨立正黃昏

賣果船

清溪如玉抱山流賣果人歸上小舟淺碛平灘三
百里碧天低處是平州

寄內

的的天涯意難憑雁字傳貧家無易事秋日是愁
天青鬢今年雪斜陽幾樹蟬思君無一語清晝永
於年

憶蔡若璞

舉世論知己交深祇一人他時方抱病遠塞獨傷

神愁極棲心定霜明點鬢新灤陽三百里問訊竟
無因

不寐

夢醒空階夜雨晴殘釭有影未天明秋來寗是多
愁客常聽鳴雞第一聲

值夜

一驀新寒雨後生宮槐黃葉下重城意中故國偏
無夢風裏銀河似有聲萬馬夜嘶秋待獵一封宵
奏遠論兵杞人孤坐聽殘角落月光中太白明

奚兎賣馬歌

上都河畔飛黃埃松亭關外奚馬來五色照野爛
雲錦千蹄殷地聞晴雷或蹄或齒或仰俯飲泉齧
艸橫鞭數路上輕泥踏作塵鬣間赤汗飛成雨奚
兎騎馬無鞍鞵長竿八尺左右揮鞭鞞四週風葉
旋俯身一驀霜鷹飛貴人惜馬不惜價千金空羣
買馳射駟星夜入阜櫪間妖狼朝斃弓弦下駑駘
無骨空月肥賈奴但買圓尻雕花印印髀絲絡腦
連羣散盡須臾時歸來穹廬月如斗兎彈琵琶妻
送酒仰天作歌歌復歌橐駝聽曲高昂首太平
天子五十年為奴作父奴安全瀚海茫茫天盡邊

戰馬戰馬何時還

水際晚步 二首

十二層城碧落間
萬株紅樹夕陽閒
飛塵不到人聲寂
官鹿成羣上禁山

月漾江橋綠水湄
垂楊新長過墻枝
平隄軟草前年地
又是斜陽獨立時

秋鷹

夏虫豈復更知冰
古有多才未足憑
二十四稜毛翮好
擬將鸞鷲比秋鷹

百鳥房

笏竹墻籬翠幕圍
紅鸚白鵲有恩輝
常才只在金籠外
故國年年燕子歸

聞歌

通宵吹笛徹
明歌夢淺愁深
不柰何一種青山紅樹裏
人間孤客得秋多

秋水

山近勾陳獻壽杯
城臨秋水起樓臺
金鷺衣賜鷹人著
白露時微鹿伴來
萬幕平沙晴見雪
千蹄空谷夜驚雷
相如尚有書堪上
只試長楊作賦才

晚眺

晚角悠悠塞艸黃碧天盡處是斜陽霧靈山外西
風急白雁斜飛向故鄉

秋山

罨畫樓臺紫翠間游雲飛鳥意相關何人自起笙
歌醉無限秋山水外閒

八月初三日對月

孤客仍窮塞寥空又晚晴年華秋在酉樓角月當
庚照舞光猶暗添愁影竄明纖纖遠天外端為別
離生

初四日對月

娟娟猶昨夕纖影漸豐盈塵鏡生光淺弓眉隱恨
明簾烘燈妬影邊冷夜無情下值憐相送官街照
獨行

憶熊敏思陳南麓

客懷牢落與誰論黃葉聲中晝閉門百疊秋山邊
外地三間茆屋水南村晴空黑上盤雕影低草腥
甯過虎痕苦憶天涯舊知己平生八月有清尊

夜

草屋唯孤坐村醪與孰同溪心平受月鴈勢逆當
風詩句窮愁後生涯拙宦中眼看秋又晚踪跡滯

灤東

夜雨

重城咫尺斷經過街鼓聲暗夜柝訛川鬪恐難留
稼穡天高應未濕星河泥中破幕沉炊釜樓上涼
風趁舞羅空遣黃雞催白日浮雲無際擬如何

苦雨

夜值愁危幕晨炊泣濕薪邊寒深倉卒秋雨太因
循青長禾中耳紅藏地外輪溪橋沒川漲城市有
危津

喜晴二首

風外聲軋禁苑鐘亭前曉倚亞簷松白雲如水平
鋪地日在東南第二峯

茅齋西近酒旗邊屋角秋陽劇可憐却聽九州人
共語重從望外得豐年

聞內子季玉病

窮塞悲秋地聞君卧病時緘書兼客淚數日算歸
期藥餌貧難具平安遠未知愁深無近夢夜雨正
如絲

負手

一片斜陽在短牆空庭負手正迴腸梁間燕蟄山

霜蚤水外風吹塞日黃短夢無心頻過嶺深秋見
客遠還鄉天涯日日思歸日覺有歸期日倍長

漫游

霜汎崇蘭桂樹秋淮山梁苑日淹留獨尋紅樹村
邊寺更上西風塞外樓鐘鼎舊情憂害馬江湖新
夢落扁舟桐衰鼠腐年年意鴉鳥何知驚鷺愁

國士

終風曠曠晝方昏一飯難酬國士恩白雪登頭虛
楚醴朱絲橫膝鼓齊門雲深不益蛟龍水夜黑全
開虎豹樊天與馨香教作佩無窮秋雨濕蘭蓀

中秋對月疊七月望日韻

雲散月明新霽夜親愁妻病遠遊時人生爭不教
頭白三度中秋兩別離

小樓晚眺次內子季玉見寄韻却寄

斜陽渺莽水淙潺一倚前欄倍慘顏不隔鄉愁遮
望眼西南天角塞門山

殊方

塞馬行山搃奚兒逐獸能遲回尋鱗鹿神速著霜
鷹雷送深秋雨谿寒太始冰殊方風土異東望遠
愁增

秋宵

離抱何時釋秋宵特地長夢迴仍遠塞月好是殊
方蠟淚紅垂地蛩聲寒近牀遙憐多病後吟罷正
迴腸

月夜值所口占

邊氣寒於水霜華薄勝塵殷勤通夜月還照不眠
人

入口

神化知無外中華似有疆關榆全樹綠塞艸竟天
黃鴈外休殘角車前是故鄉秋深行潦盡歸路雨

無妨

味和堂詩集卷五

知非集詩目

行德勝口外

察哈爾部

得內子季玉送春句却寄

鹽海子

即事

歸化城四首

明妃塚三首

對月

曉發脫脫城

晚眺

久旱草枯喜雨有作

客意

次韻和新城王令歸化城輓粟即事

立秋日

瀚海石筆山

望小天山二首

曉意

雨夜

雨霽即事

西爾哈昭次馬農部韻

喀爾喀部書所見

早發喜晴

推河曉發用周星濤韻

憶內

烏塔道中

苦雨獨坐

寄內

席喇烏蘇

雨

夜咏

己亥正月奉

命決獄中州晦日出都門二

月二日曉發定興途中作二首

保定道中

方順橋贈夏處士

正定

樂城道中

憶內

盧生祠二首

邯鄲

磁州道上

寒食前三日過淇縣

過衛輝舊居

村行

黃河南岍遠眺

赴粵西即席口占別祖餞諸親舊

曉過長新店

重過保定橋南

曉發過正定

望故鄴都感魏晉石趙事有作

雪中宿五女村

庚子除夕抵汝寧辛丑元旦發郡署留別軼
之十七弟二首

元日信陽道中

蠻民

十一月二十六日燈下作書寄內並題二律

過席帽山晚眺有感

聽山半彛人歌有作

霑益驛樓雨夜寄內

雨夜

題端硯

病中口占寄問倪處士

次韻和友人立春次日與春樓觀雪

茶花口占三首

水仙

題大理石十絕句

勸農有述八絕句

除夕宿清平縣

蘭

病馬詩

乙巳除夕重過清平

澎湖曲為朱忠壯總戎作

飲酒辭

將宿楊林道中作

過嘉麗澤

霑益州

平彛縣

重過滇南勝境茶亭

過陡郎箐

白水河瀑布

山家

三丰真人影

飛雲岬獨坐

黔山

端午

阻風

洞庭湖

又代友賦二首

舟師二首

雨夜憶內

望嘉山

雨夜

曉雨未晴仍泊湖上阻風不行

江行過江夏又過黃州周公瑾破敵蘇子瞻
紀遊之赤壁皆在焉因憶齊年周桐柢昔
為余誦其赤壁佳句有云舟楫吳兒真便
利山川赤壁竄精神即押精神字成二長
句分咏兩赤壁

望廬山

小孤山

味和堂詩集卷五

男恪書勳麟校編

鐵嶺高其倬章之

知非集

行德勝口外

平野無窮濶遙天盡勢遮幾家蕃部族一片漢桑
麻青旆詩醴酒薰風發杏花河流知有意曲曲向

中華

山杏五
月始花

察哈爾部

元順帝裔也崇德中其君稜丹濞
虜國人携貳王師滅之後封其

裔孫尚主守藩吳逆之變亦以其眾叛復
討平之處其餘眾于近邊俾司同收核其
豪入備宿衛有通顯者即明
史所稱挿漢及挿部者也

思已存陳杞，頑仍類扈。苗金人終罷，祭白馬不成。
朝鮮網踈，猶祝馴鷹飽。莫驕稅侯，非種貴忠。謹世
傳貂。

得內子季玉送春句却寄

因君新句倍思家，外地風光惱鬢華。又是一年春
盡日，更隨芳草向天涯。

鹽法子

群壑紛灌輸，連岡莽迴抱。廣大非自有，謙受瀦衆
潦。西南際山根，百里白浩浩。雷雨入晝心，羲娥浴
波表。淫霖注未盈，愆陽亢詎燥。狀亦蒲解侔，名同

渤滄好薰風，一披拂解愠。阜物寶

池鹽遇南
風即結 礪碌

孰礪搓晶瑩，非淬澡英英。廉角圭纖纖，孕文蒸

多鹽

方顆中含細
紋如荇藻狀 性因潤下鹹，質賴秋陽皜。縞雪夏不

融，繁霜厚勝掃。取給恣帳族，分羸及屯堡。負戴各

悠悠，浪用亦艸草。豈知淮海壩，煎水然秸藁。嚴防

峻，豪攫寬禁弛。孤媪滋味彼，何殊造化厚。荒徼人

辭汲，煮勞歲却雞。豚禱濟施溥，無垠功惠不擬道。

利物亦適然，食志謝編討。

即事

獨倚一筇枝，夷猶立水涯。黑山笳咽後，鹽海月生

時

歸化城

古豐州地
四首

前朝築塞遍巘阿
劃弃豐州意若何
一抹平田三百里
大青山外即黃河

六宇春陽換劫灰
白羊烏犢散龍堆
太平欲紀無文字
原草青黃七十回

縹緲神山種玉岑
弱波深隔飲牛津
誰將桑海塵間事
擬問雲中試鳳人

塞馬頽輪泣道途
酒罌食籠滿行厨
軍中蹴鞠閒無事
更判泉薪付阿奴

明妃塚三首

漢社西京久屋塵
一杯無恙黑河邊
居人猶自憐遺塚
不放牛羊踏墓田

絳縷長封悵舊因
也緣夢雨怨巫神
爭知一入龍荒後
無限穹廬獨夜人

覆地新霜艸未摧
心扉不遣即成灰
學他六寸鄒生管
吹取冰天暖律回

對月

倦程沙磧外多病
別離中獨夜三更
月穹廬四面風明
催新鬢雪曲並遠
眉弓坐望人何限
關心底

獨同

曉發脫脫城

徒馭揚前旌
初日照西嶺
四月柳未柔
淦淦山意冷
攬轡指直僵
呵冰結衣領
鳴駝魚貫出
一一鶴昂頭
千峯排連山
一線曳修綆
直下白艸岡
迥入無人境
風吹枯蓬根
側勢正南逞
輓轡遊子心
輾轉隨斷梗
饒急軍符飛
親衰愁病併
回車義未安
叱馭進傷猛
天外睇烽烟
雲邊認鄉井
哀笳迸一聲
清淚墮俄頃
下馬立蒼茫
徘徊踏孤影

晚眺

平草盡
霞落暉
閉萬里
愁生薄
暮間芳艸不迷前
日路長
城深鎖
故園山
兼風孤
角悠悠起
貼地昏鴉一一還
欲寄鄉心
隨塞水
東流背
客去潺潺

久旱草枯喜雨有作

漠漠彌平楚
泐泐向下春
濃雲低幙脊
新溜落駝峯
行李天涯穩
揚颺旱魃慵
萬方應一槩
得慰故園農

園農

客意

縷縷題書屢
駢駢返轡遲
窮家無日計
客路有天涯
夢遠兼風雨
傷離閱歲時
有情治不得
只是鬢

成絲

次韻和新城王令歸化城輓粟即事

急裝轉粟共臨邊
識路仍慙老馬前
青塚一牙蕃
部卒黃河六曲漢
家天挽推駢沓
才何盛畫諾從
容意自便宿飽
王師功唾手
居延無事策屯田

立秋日

艸虫無語溽雲收
已覺輕寒襲薄裘
幾縷雁行橫
度磧一分弓力勁
添秋萍浮客跡
終難定環轉年
光半已週堂上
白頭方倚望
西風吹夢向神州

瀚海石華山

大鈞陶萬有所施
無薄厚扶輿之氣
鍾異物產荒
陋偉茲一拳石
挺特孕竒秀
收縮萬里勢
么麼五
嶽岫方寸區
崇庠盈咫尺
計延袤窈深
谷狀呀迴礪
崖勢逗紆迤
細於絲幽洞
狹容豆阜壘
邱再成罅
拆天一竇迤
連列嶂橫卓
犖傑峰瘦山
腰滄白雲
嶺色凝上聲醇
耐駢鰲首並
昂舞鳳翼相
湊向背狀
態殊轉側光
景又形模孰
權輿詭譎難
竟究我行
適萬里再至
斯發覆披沙
駭失聲捧壁
返狂驟搜
滌抉莓苔拂
拭去埃垢是
時快雨晴風
日美清晝
几席爛光華
塵目豁昏瞶
偃卧數烟巒
巒仿彿擬枕

漱仙嶠失蓬壺靈境儼崑鷲具禮再拜歲誇客清
尊侑丁甲畏今取神鬼知昔守胚胎草味前豁露
文明後好事真宰憐假手山靈授瑩粟非琢磋刻
峭謝剗鏤玉德涅不緇金聲鏗待叩巧啣百技庸
器陋三代舊我欲系新銘冀附金石壽綺語時俗
書纖弱不相副歸當摹鼎盤雕鐫譜篆籀

望小天山二首

崑閬曾元衆巘君亭亭一崔立雞群倚天峭擘無
塵玉墮地孤留不動雲永夜有光宵欲曙四時同
色夏難分凌虛刺許飛仙到誰擬磨崖待勒勳

清涼世界遍琉璃劫火彌空遠不知靈氣一區今
草木寒光百里上鬚眉瓊田絮滿春歸後銀海珠
生月上時不分有情同塞客年年頭白在天涯

曉意

萬竈沉沉靜野烟曉營如月一規圓濕雲不捲低
於幕哀艸平鋪直到天家憶東南將夢遠地當西
北得秋偏鄉書未寄飛鴻杳塞上栖栖似去年

雨夜

浪說消愁付酒卮爭教青鬢不成絲二千里外初
長夜一穗昏燈聽雨時

雨霽即事

朱九一點照原明天角東南已放晴
泉脉漲看新井溢幕氈軋覺舊裝輕
秋從白艸梢頭至路認黃埃起處
行知有牛羊堪買食山望孤角一
聲聲

西爾哈昭次馬農部韻

湯從蝸角覓菟裘蠻觸亡來廢剝
秋風鐸閒同山魅語鬼燈紅出寺
門遊無窮逝水悲前劫依舊斜陽
到小樓聞道再來人不減千年歸
鶴恐生愁

喀爾喀部書所見

額手溫綸敬拜嘉歎賓解煮尚方
茶海西盡

奉諸侯職漠北蕪無可汗牙草瘠
艸肥占歲事雁回雁去記年華
牛羊繒絮相酌酢中外于今正一
家

早發喜晴

星星牧火曉猶明漠漠油雲靜不
生雁外風傳邊角迥馬前紅覺導
旗輕長河暫泐潛仍出高嶺遙看到
却平剛是愁霖三日後人間爭不
愛新晴

推河曉發用周星濤韻

日日聞雞驀曉行客中歲月漸崢
嶸水邊細路千回曲雨外晴山一
崦明沙艸枯來新露白米囊空

後舊裝輕上公獨擅籌邊箸萬里何時遠塞清

憶內

夢破酒醒人散後月明燈暗雁來時憶君因憶君
相憶萬里愁懸一寸眉

烏塔道中

紫駝聲急攬衣忙日日悠悠去路長千里斜陽山
向背一番寒雨艸青黃居人詎肯憐行役遊子何
能有定方目送飛鴻東去盡白雲親舍遠迴腸

苦雨獨坐

經過咫尺竟何能獨擁閒衲坐似僧風逗輕雷生

幕角雨飛斜點打窓稜眼中路迫仍千里頭上雲
深有萬層白日天涯已愁絕可堪還對夜深燈

寄內

濕雲低似幕永日坐如年風雨方如此歸期愈渺
然深愁通日夕遠夢共山川無計憐貧病親衰賴
汝賢

席喇烏蘇

地勢仍從北河流不向東未霜先見雪每雨即兼
風星野常占外暄寒片刻中更誰陳五利早擬淨
西戎

雨

雲深埋近嶺溪漲沒迴汀地近窮陰塞天饒好雨
星盤鷹高避濕病艸晚回青待洗天山淨磨崖好
勒銘

夜咏

金風剪剪透衣涼柳月汀烟望渺茫客鬢無情霜
共白故園有夢桂初黃南飛雁避邊寒去西下河
隨塞路長夜漏三聲身萬里新詩吟罷更迴腸

己亥正月奉

命決獄中州晦日出都門二

月二日曉發定興途中作二首

擁傳新

恩重依親末願違夢傷前日別淚在醒

時衣春草愁同長鄉心雁帶歸路人何事意嘖嘖

羨榮輝

晝食纔當午宵眠更及晨易過遊子日難慰病鄉
親藥願新醫聖家依一婦貧平安祈有喜早晚寄
征人

保定道中

月樣城橫一水涯朱闌樓角有青旗東風日日吹
楊柳岐路年年管別離度馬小橋新白板出牆舊
杏又紅枝可堪不醉垂鞭去仍是春光欲半時

方順橋贈夏處士

身貧不受買山錢一畝亭池近自然
檢令接花防火日乞褰嫁杏得晴天
塵中噩夢風吹盡柳下閒村水抱圓
愧我學耕耕未得年年辜負好春田

正定

太行張翼水迴襟三輔名都匝萬尋
荒圃遍城民屋減黃風竟日路塵深
當官處處酬恩地引領人望歲心
禹服周圻天尺五春陵須效次山吟

樂城道中

溥沱四作渡河身路過輿梁漸少塵
尚識黃筍懸陌柳又看紅杏動耕人
無情樹遠遮雲舍多病萱孤怯晚春
麥飯亭南歸雁盡此回跋馬倍傷神

憶內

芳艸全悽送遠神瑣窓仍作獨愁人
身因姑疾都忘病食願親嘗更諱貧
蠟燭閒垂深夜淚杏花紅過隔簾春
幾回回首回腸處併遣天涯雪鬢新

盧生祠

用玉茗堂傳奇事
二首

石濠有吏捉疲民南詔無車返舊輪
眼底羣兒方碌碌爭教閒得跨驢人

夢覺原無覺後身更憑誰說夢中因
老翁莫役閒

雞犬又作人間判鹿人

邯鄲

返壁行金互抑摧即今何處有興衰幾家烟舍成
新市一角牙城剩廢臺日日晨雞催客去年年社
燕逐春來千秋後獨佳公子贏得憐才酒一杯
昌谷詩買絲綉作平原君有酒惟澆趙州土

磁州道上

湧地朱曦見半輪隔河紺塔露全身兩行垂柳陰
中路千里春山影裏人節候中原真正當鶯花三
月竄精神有情不共風光轉倍感韶華憶病親

寒食前三日過淇縣

伯父光祿公舊令茲邑余以丙辰生于官署明

年隨光祿公去淇今四十二年矣

杏花零落滿山城深巷錫簫三兩聲一百六日又
欲過四十二年今重行老柳未枯應識面遺民無
幾尚多情棠陰不覺征衫濕光祿新阡樹已成

過衛輝舊居

童穉曾來似夢遊遲遲跋馬重回頭門前綠長新
垂柳花外春深舊小樓客自有情生白髮天應無
力禁閒愁太行千里斜陽影又送行人過衛州

村行

柳烟榆火近清明朝雨絲絲歛已晴綠艸添齊黃
特力東風吹軟白翎聲三分紅晷長添晝萬頃平
陽飽看耕願捲韜符開月令好收豐歲付蒼生

黃河南岸遠眺

偉縱難窺造物踪勺沅拳石判鴻濛已輸全勢歸
河北更展平原作土中一曲神迴天上水九州人
弛韞中弓英雄戰地寬無用暢放斜陽萬頃紅

赴粵西即席口占別祖餞諸親舊

去去復遲遲辭鄉及故知相逢纔幾日時甫從惜
別又斯時萬里車前路三行席上卮此間頭欲白

何必更天涯

曉過長新店

歲鼓催年急春風破凍遲山容明遠雪柳意靜寒
枝客黯傷離後村喧上集時鄉心重無那前路有
青旗

重過保定橋南

立馬橋南獨惘然高原莽莽兀寒烟酒帘依舊垂
楊外不醉黃壚二十年

曉發過正定

鐸聲催客共雞興僕睡羸鞍喚不磨萬點城烏驚

曙鼓一壚村酒閃風燈愁衝桂嶺浮空瘴喜見潭
沱徹底冰高閣重登又何日勞勞身世愧閒僧

望故鄴都感魏晉石趙事有作

衰興瞥眼過飛鴻敏手沉機事略同盡假伊周為
狡獪幾疑舜禹亦英雄危搯戈戟求秦璽病擁笙
歌卧鄴宮一擲成盧竟何幸後來問鼎更匆匆

雪中宿五女村

同雲壓地近黃昏一一輪蹄見過痕數點遠歸天
外鳥幾家深閉雪中門難謀潁酒三升釀小泥齊
表片晌溫棖觸鄉心搔白首他方餽歲集雞豚

庚子除夕抵汝寧辛丑元旦發郡署留別軼

之十七弟二首

惜別又今歲相逢是去年五更雞唱後萬里馬蹄
前凍柳條難折風旌意並懸椒觴吾欲醉或可忘
離筵

僻地從為郡方州愧著鞭蔡城臨汝水桂嶺隔湘
烟好按崎嶇難調燥濕絃循良期報政把袂莫
潸然

元日信陽道中

霽色新開淑律還瞳瞳初日照溪山愁消雨雪冰

霜後路在江淮汝漢間歲火未闌墟落煖車塵不
動道途閒計程楚澤梅應好人日剛過武勝關

蠻民

烏皮常覆背白氊競纏頭是泊都稱海無家不起
樓歌長偏有意蕎熟豔無愁只待文翁化蠻荒亦
一州

十一月二十六日燈下作書寄內並題二律

遲迴千里道不獨為傷離病緒兼愁緒君知更我
知燭燒三寸後腸轉九回時無寐同遙夜星星兩
鬢絲

老眼頻生暈昏燈數剪花書長難盡意心近未離
家齊志為求藥神泉寄煮茶固應如昔夢一飲飯
頻加

過席帽山晚眺有感

滇疆行盡近黔疆極目川原總異鄉蠻樹帶秋留
晚綠遠峰隔雨挂斜陽雲知歸未依巖岫雁解鳴
仍竊稻梁官馬重騎拋款段一鞭慙慕舊羊腸

聽山半彛人歌有作

長鑷短笠上山腰啁哳歌聲雜猥苗起市場占雞
犬日迎秋麥熟苦甜收田漁穩處心初定烟火稠

來瘴旋消好趁昇平事安養申商法律湯多條

霑益驛樓雨夜寄內

雪壁前題暗薄埃鴻泥踪跡剩低徊年來去住都
如夢世上暄寒未有涯一點樓燈剛雨後百般鄉
思又秋來鹿門舊約仍虛擲何日雲梨手共栽

雨夜

長宵方八月滯雨復三更蛩絮無窮語檠留一點
明微醺容易盡白髮等閒生千里含遙意無由寄
此情

題端硯

端溪之珍巨盈尺含稟金精蘊玉質剛貞而溫潤
以粟鸚眼瑩瑩暈凝碧用之不頗平且實近墨不
黑朱不赤王氏獲之同拱璧期傳孫子永無斲流
落曾不一錢值筠叟遇之重拂拭琅琊刻銘字可
識辛酉之年仲冬日距今辛亥五十一歲月不留
駒過隙物我相遭萍偶集吾何容心繫得失願與
才人佐文筆於世於家隨所適天下寶為天下惜
一笑爾爾聊什襲况復中洞絕人跡今也巖空無
片石

病中口占寄問倪處士

愛山入骨癖難醫萬里樓雲寄一枝倚馬昔曾誇
矍鑠伴松今欲號支離排成新卷添前集檢點清
狂似舊時同病相思聊問訊藥爐烟畔一題詩

次韻和友人立春次日與春樓觀雪

多情白雪趁陽春檻外新看散玉塵萬隴潤回添
麥力一枝香破健梅神也知造化憐荒土愧乏暄
和被遠民恰喜東南晴旭上黃綿分暖與南人

茶花口占 三首

燈火新繁燧火除滇南民意逐時舒花情送喜紅
於火開趁農閒及歲初

病起看花戒飲時闌西扶杖立遲遲一甌恰喜佳
名共煮小龍團對艷枝

一枝艷錦艷陽時應訝邱遲入夢遲好記滇南真
種子羅浮砂染牡丹枝

水仙 限仙字

房已兼金麗葩仍截壁鮮小杜詩冀卿雙壁截肪鮮護寒簾不

捲妒影鏡分妍清賞今瓊閣孤芳舊石泉亭亭凡
艷外種性近神仙

題大理石十絕句

南徼提封帶百蠻家家在翠微間點蒼石竅語

鄉土不繪平田只繪山 層巒疊嶂者

林角纔聞布穀聲東風早已促春耕吹來朝雨還

吹去更放前溪一崦晴 山雨初霽者

峯峰拔地並千尋膚寸雲生便作霖都入太虛容

載內不齊吹萬付無心 羣山傑立者

一白鑪峰三百里曾騎生馬到其間於今却曳紅

藤杖偃小屏風看雪山 雪巘千仞者

一匝晴烟裊翠微東臯巖壑是耶非天涯自白年

年髻綠遍鄉山春又歸 碧岫微烟者

水清石瘦便能竒恰是東坡居士詩况復雨餘雲

綻後更當江上月圓時 水石雲月者

白雲橫鎖碧山深窈窕仙源逕可尋擬就漁舟問

消息且憑流水洗機心 雲山有逕者

燒痕漸沒草痕新淺碧微黃染未勻恰是年光剛

好處溪山消息入初春 淺碧輕黃者

山影一痕眉倒暈水光萬頃練平鋪惠泉亭畔煎

茶後記上峰頭看太湖 孤嶼平湖者

約畧光風何處是秣陵春雪未晴時誰知濕霑濃

雲裏中有梅花一萬枝 雪雲未霽者

勸農有述八絕句

天章垂象麗昭回萬里宸心念艸萊行省勤農
頻奉詔尚書親為勸耕來

千畦碧毯稻初抽龍骨車鳴澮水流從識太平真
氣象綠簑黃犢遍青疇

柳外烏烏拍手歌耕餘小憇坐坡陀誰知不按宮
商震一段中聲近太和

致饁嘻嘻婦逐姑底須盃翠與腰珠敗簑破笠偏
珍貴堪入風謡與畫圖

十畝今年異去年東偏移隴向西偏刀耕爭敢遺
餘力滇土原多歌歲田

高墾山巔下水涯白頭田父跪陳詞五風十雨三

時順始是殘年飽飯時杜詩但願殘年飽喫飯

力穡經年倦入城疲氓怕聽打門聲但教守牧平
徭訟不下衙階已勸耕

莫緣作苦輒嗟吁勞力原非賤丈夫說與青箱呈
種事耕犁天子歲親扶

除夕宿清平縣

昏燈逗壁坐頽然細雨聲中歲欲遷脫手萬千皆
去日平頭五十又明年拙慙試藝新碁局時有客圍碁

閒憶垂綸舊釣船老我鄉心無處說孟光猶隔夜

郎天

蘭

大塊賁其文紛然蕃萬卉共生亭毒中獨得晁清
氣和風揚幽芬待紉君子佩托根空谷間在遠羞
自致何當樹九畹藝殖偕黍稷陰雨既膏之冽泉
復灌溉庶幾發芳馨異用同臭味上為王者香下
洎蒸民利寄言稼圃翁蕭稂勿並蒔

病馬詩

墻角初拋舊錦韉埒間仍挂好珊鞭老誇汗血都
無味幸脫金羈亦偶然定有旁人憐駮骨不須重

牧試明年

杜工部誰家收養願終
惠更試明年春草長

灤陽山外春原

在芳艸無涯綠到天

乙巳除夕重過清平

昏燈塵壁尚依然屈指南來歲五遷白首漸看同
老境青陽又欲換流年萬峰盤地初迴馬一水浮
空擬試船衰病自憐歸未得路人翻羨上青天

澱湖曲為朱忠壯總戎作

閩嶠峩峨插天起環以洪濤一萬里山川竒氣生
偉人指嗾熊貔杖馬箠鯨浪拍天搖扶桑橫海佩
印司戎行先聲讐敵心胆裂中流擊楫鬚髯張賊

旗照水殷於血賊刃成林皚如雪一叱先登只等閒
十萬平摧在頃刻巨礮忽墮赤焰飛將星下隕
聲如雷死綏尚持無忌節逐北仍用英公麾華表
書勲照鄉土戰地於今集商賈遠島長風捲怒潮
砮鎗猶似將軍鼓

飲酒辭

壯穉羅馬前婦女在戶裏頌白跪且言使君復行
矣昔去踰七年今來歲餘耳來轡亦何遲去鞭亦
何駛南人無遠遊不渡盤江水轆轤一寸心相隨
去萬里涓涓一尊酒心中淚如是請念故舊民瀕

行為飲此願我治理踈嗟汝風俗美遠饋困未蘇
近境尚多壘俯仰內疚深邑邑何時已聊復借此
觴杜舉志吾恥

將宿楊林道中作

四月餘春氣風花滿客衣麥秋村意喜樹夏路陰
肥薄醉經殘餞踈鐘送落暉勞生幾陳迹東去未
成歸

過嘉麗澤

滇山馬振鞚滇水矢激弧合勢並東翥千里無停
瀦獨此小迴薄滙衍為平湖風漪散碧淪天影含

空虛鳧鷖羣拍浮泳唼鳴相呼容舫掉行艤自昔
無巨艦亦不昌荷芰唯有葭與蘆濫觴卻甸里其
田資灌濡初夏每涸竭靈潦冥園廬或復堰其汜
貧窶施耰耨十藝幸一熟粒不充其稔冀彼偶然
獲償所未畢逋黠者旁睥睨矯攫稱新畬有司或
惑之亦目為膏腴請看岍際草不雨先黃痛裊裊
紅蓼花莖弱枝葉踈生物瘠若此乃云多黍稌矧
無歲歲入馬給年年租常恐喋喋口終令紫奪朱
滇地極硠确此土尤惡䟽可遺百一利不可尺寸
輸載籍一倉卒百歲疲追拏況今 聖天子不獲

念一夫皇皇擢循吏期使蒼赤蘇民生有安危大
要在菟枯荒隅介萬里宜令人有餘目前不足計
長慮今良圖願瞻嘉麗澤過此行躊躕

霑益州

村村短笠與長鐮踏水聲殷打麥兼垂綠柳陰隨
陌曲潑藍峰影向城尖涼颼弄袖吹殘雨老叟迎
車訝白髯無補南人勞卧轍前題在壁愧重添

平彝縣

僑籍情如寄編彝習尚存全滇門戶邑窮壤寂寥
村伐橡炊連葉烹葵食帶根治安長久計用法在

兼恩

重過滇南勝境茶亭

塵蹤歲裔兩流萍淪茗重來坐此亭十載飛鴻江
際夢一聲啼鷓雨中聽雲山無恙依前碧客鬢多
情減舊青去去迴頭重跋馬磨崖百丈見新銘

過陡郎箐

瞻天唯一線躡磴有千盤林意兼風雨行期異暑

寒

昔以十月過此
今四月再經也

蠻荒雙白鬢歲月半征鞍欲語

經營者寬平衆所安

時方開
新路

白水河瀑布

漁洋山薑兩先生皆有詩悲古體長歌蓋
竒觀詠狀非此不足抉發蘊秘且欲與山
川爭雄勝也余十年之中凡六過此今將
別黔為賦今體長句一首聊塞無詩之誚
兼備一格焉

倚空立壁削青銅赴壑懸流挂渴虹警馬萬蹄嚴
陣鼓綿雲百簇揭天風常含靈氣棲神物自闢龍
門謝禹功為有西疇千頃在餘波不逐衆川東

西流滋
田頗廣

山家

運有於菟跡林多格磔音闌風通屋角凸石露田
心懷土生涯薄謀家意念深歸仁兼望歲循政等
甘霖時稍
乏雨

三丰真人影

衆醉嗒嗒悵獨醒殷勤留影印蒼屏山河不隔神
仙氣槁腐羣孤造化靈一世人曾輕寓跡千秋後
始重遺形白雲鄉意知誰會崕際春來艸自青

飛雲崕獨坐

雲際叩僧扉闌間望落暉泉疑建瓴瀉石欲帶風
飛遠躡疲塵鞅踈鐘澹世機會心巖畔鳥薄暮倦

知歸

黔山

一線懸流若建瓴兩崖削壁似張屏黔山空解無
窮曲沅水依然到洞庭

端午

昨夏仍滇土茲辰又楚鄉三年俱外地百歲幾端
陽醉與愁相迕途兼日並長何由續前句空復對
蒲觴

阻風

豚陣接勢來鼉鼓鳴相答礮雲起初更中夜風雨

合排空萬疇馬趺蹠怒相踏悍聲吼桅檣餘威簸
枕榻天明推篷窓不見臨岍墦天水儼函蓋墨雲
黑複沓芥舟蓬一莖濤山雪千匝長年噤無聲愁
坐類枯衲陰晴適爾爾氣候有闢闔生平恬百怪
夷險隨所納炯炯方寸間中無一塵襟但覺袂衣
單孟夏如初臘熱火炊濕薪南烹市螺蛤無何且
飲醇祛寒倒蠻榼

洞庭湖

楚境橫天下用坡公成句三州枕水瀆源容千派入流
任衆江分斜影迴衡雁孤帆擘郢雲君山無戍燧

漁火照犀軍

又代友賦

四週天幕懸一髮岍模糊荆楚驪中擘沅湘水暢
鋪汀香芳岍芷風信舞檣烏萬里歸乘興中流看
月珠

又

囊括西南水萬川綠雲橫展岳州前平浮日月圍
雙壁別為魚龍關一天靈瑟不彈湘岍雨雄風仍
送楚人船誰驚九馬稱奇險我欲臨流起扣舷

舟師

工拙難教局外知真惡
樓臺論舟師千重浪裏盤
等處一笑闌間倚棹時
工拙難教局內知等閒
操楫盡舟師個中大半輕
天險只識湖平風便時

雨夜憶內

遠意無由達重湖未肯晴
客懷方輾轉蓬雨倍分明
善病饒離別多愁屬性情
殷勤相望處歲籥已三更

望嘉山

十年彈指鬢雙班
磊石依然落照間
倚棹緣湘二

百里記曾九面看
衡山

雨夜

耿耿一燈孤鄉書半字
無如何風雨夜更宿洞庭湖

曉雨未晴仍泊湖上阻風不行

水雲千里黑星火一村孤
雞自聲呶喔烏仍尾畢
逋湘沅偕向海風雨妬歸
吳誰識東還意殷勤半
為鱸

江行過江夏又過黃州
周公瑾破敵蘇子瞻
紀遊之赤壁皆在焉
因憶齊年周桐塾昔

為余誦其赤壁佳句有云舟楫吳兒真便
利山川赤壁竄精神即押精神字成二長
句今咏兩赤壁

外事孫郎付友臣老瞞悉銳壓江津會吳尚隔一
千里罷獵纔消三萬人爭說英雄關氣數誰從醞
藉想精神絕倫大勇非材武檢點生平似飲醇
五載黃州作逐臣未甘貶論悅平津寧知二客從
遊者竟匹三分濟業人文與江山分氣勢身由河
嶽得精神放歌自寄湘纍意不為魚佳與酒醇

望廬山

峩峨三萬仞空翠撲湓城江去知吳潤雲歸見楚
晴藏書千載意寄夢十年情雪瀑如招隱因風送
遠聲

小孤山

如髻復如雲離羣自不羣此山獨起不一拳拳獨
峙萬里水雙分岷白斜帆過樓喧衆估醺神歸風
滿樹江鷺雪紛紛山多白鷺

味和堂詩集卷六

知非集詩目

題且園七兄指繪鍾馗按劍圖

又絕句二首

對菊

延平途次得內子季玉手字却寄

送春次來韻

又次來韻

憶內

五日緘書後却寄內子季玉

荷珠

寄內二首

重過燕子磯登眺四首

立春後二日同王忠庵藩叅鄧孝廉署齋夜

坐忠庵有句即次其韻

和某制軍重過蘇門詩即次原韻四首

皖撫趙拙庵中丞寄示紀行集次招飲韻却

寄二首

端陽送熊務先年姪北返

和許子遜中秋風雨後看月即次原韻二首

宗人鳳翰九日以古篆章及近思錄為壽却

寄二首

夜望金山

乙卯仲冬望後十日阻風重上燕子磯遠眺

燕子磯阻風二十二日風轉曉發至京口

白燕二首

又禁用珠玉瓊瑤梨絮霜雪潔白淨皎等字

再成二首

題畫

文君

昭君 三首

班婕妤

飛燕

綠珠

道蘊

玉環

虢國夫人 二首

盱眙

小青

洛神

有以美女畫扇索題者隨意口占各書絕句

持紈獨坐者

一人白舞旁有孔雀張屏者 四首

虛窓閒凭者

持扇望月者 三首

倚垂柳久立者 二首

臨鏡者 二首

凝眸苦吟者 二首

斜倚午睡者

執卷獨行者

且園七兄筆畫為熊務先年姪題

題新柳春禽圖 四首

題十八羅漢渡海圖

次沈子大館丈韻題且園七兄所繪飢驅圖

三首

擬古次韻

重登正定大佛閣遠眺

信陽道中

渡滹沱有為玉食爭如麥飯香句咏遺事者

廣其意成一首

過黃梁亭有感次帥學使題亭原韻

又得二絕句

過湯陰見旅壁題句多弔岳王者予謂當時

殺岳退韓竄綱死鼎檜罪實通於天然高

宗忘讐祈安之志既深且堅視數君子者

若草芥無纖髮惜嚮意故檜投隙售奸莩

刈之如振槁落四人者去則有宋將相之

材盡中興之望絕不復可為矣人之云亡

邦國殄瘁孰使之然耶因述意為一長句

黃河

題倪穉疇侍御碧雞關圖即和原韻

乞書

長至後二日江岼獨眺

洞庭阻風夜坐憶往歲泊此有舟師二首不

覺自哂因踵前韻亦成二絕句今我非昔

可以槩知

曉起望湖上村落

寄內二首

夜

臘日寄內

官舍東有隙地闢為小圃結茅構亭春初課

僮僕藝殖因成一長句

承徐咸一進士見和鄙詩再疊前韻奉荅

紅白梅二首

牡丹二首

題畫驢二首

雨晴署樓登眺

課耘亭看桃花

二月晦日登課耘亭所種桃盡開城之東北

隅民舍園桃尤盛望若霞錦花光遙接願

而樂之再成一長句

三月三日登署樓春望

課耘亭菜花

送薑田三姪赴韶州太守任 三首

初秋與查兩願話舊即次見贈韻送別 二首

次查兩願原韻 二首

味和堂詩集卷六

鐵嶺高其倬章之

男 務 書 兼 校 編

知非集

題且園七兄指繪鍾馗按劍圖

昂藏烈丈夫七尺偉軀榦一劍霜氣寒雙眸電光
爛剛同百鍊金峭若干仞岸祛邪吾何心詭正彼
自汗鬱鬱浩然氣熊熊照几研吾昆為此圖以指
代柔翰揮洒自淋漓經營終慘淡擬挽頑懦情非
充耳目玩忠鯁斯激昂媿媿或河漢盥手一展觀
題詩復三歎

又絕句二首

鬱立雲飛占氣概
火燃泉達見精神
好從傲兀離
竒處識取光明磊落人

照夜神光倚斗看
人間長缺總羞彈
獨鎔仁勇為
心鐵世上紛紛任語難

莊子說劍篇皆
瞋目而語難

對菊

誰假浮名號傲霜
花遲應待晚秋黃
薄餘顏色原
非艷羞競芳菲不柰香
人剩徘徊愁獨醒
天憐孤冷借重陽
南山只在踈籬外
故國關心運就荒
延平途次得內子季玉手字却寄

一歲禁離緒
三冬乏遠音
長愁身易病
垂老別關心
苦歷憂思極
從知慶慰深
平安字無價
爭擬抵

黃金

送春次來韻

短長亭畔逐行塵
只夢愁身與病身
離抱滿懷花
滿地西興江上餞餘春

又次來韻

君起三冬病
吾歸萬里身
相逢幸無恙
不覺有征塵

憶內

離懷何縷縷清淚正泫泫縱寄千言扎難將萬里
心丁寧真鄭重愁病莫侵尋應念天涯意含情望
遠音

五日緘書後却寄內子季玉

別離多病日烽火遠行身令節愁仍在他鄉俗自
親題書難盡意極目獨傷神傾盡菖蒲酒還為不
醉人

荷珠

幾許驪珠媚碧川盈盈捧出水亭前青蘋風際千
迴轉紅藕香中萬顆圓貫處未容披柳線買時應
不費荷錢光華照夜仍相借一點清輝月在天

寄內

擬句相寄拈筆皆縈憶之辭無能排悶祇
益生愁思西湖揚子東南佳勝為買棹所
必經實生平之未到口占二章以博粲

曾經西燹千重巘更見南溟萬里瀾收縮十年天
外眼此回仔細看湖山

却携絕勝彞峰茗去瀹清冷揚子泉香色味皆居
第一自應鼎峙有新篇

重過燕子磯登眺四首

蒼岷躡屐破苔紋倚杖危亭日未曛膩漲碧來桃
渡水嫩晴白捲攝山雲江圍孤寺開三面菊待遊
人剩一分心醉烟巒慙舊約夷猶不是泥餘醺
平疇東望故吳宮衰柳枯荷正晚風自在騎牛今
豎子苦辛逐鹿昔英雄夢餘金粉殘編上劫後山
河落照中萬里江天無燧火耕漁何以荅鴻濛
誰伴山公讌習池遺民應記白銅辭紫囊賭奕從
諸父皓首凭闌又一時鴻跡有情同斷夢水濱無
處問沉碑垂楊外即西州路淚洒黃壚舊酒旗
鄭重深銜覆露 恩庾村謝墅肯輕論三遷愧領

丹陽節兩度虛辭白下門課政敢云堪歲計字民
終欲布春溫茲行謹與山靈約擬為東南慮本根
立春後二日同王忠庵藩叅鄧孝廉署齋夜
望忠庵有句即次其韻

促坐論文夜向深故人今兩重題襟盈頭白髮傳
經意滿眼青陽育物心燈燭豈知光又共
光風流尚約老相尋後生可畏吾衰矣擬託踈絃

待嗣音

謂鄧孝廉

和某制軍重過姑蘓詩即次原韻 四首

闕道風猷快著鞭倚樓詩句艷吟箋吳儂半識新

方岳才子知名二十年

亭隅老樹長孫枝壁上輕紗護舊詩白首憂民重

繫舫于今更問夜何其

原韻有醉歸不問夜何其之句

筆端已夢省郎花天上初宣節使麻福曜文星相

合併斗牛新燦九光霞

孤鐘仍發舊僧樓感興詩成夜半舟好共韋劉詩

體格兼為羊杜續風流

皖撫趙拙菴中丞寄示紀行集次招飲韻却

寄二首

外臺宣教化誰鼓自南風

詩凱風自南

帝曰諧惟汝

民生望在公斗牛分地紀方岳亮天工保障由來

意傾丹結寸衷

蒹葭蒼白露雪絮欲翻風秋序又將晚伊人遙憶

公鬢因持節換詩並倚樓工敢擬借君子于于共

此衷

端陽送熊務先年姪北返

窮交孟東野遺嗣任西華海內吾垂老天涯子寄

家何當聽驪唱空復對榴花一舉菖蒲酒霜毛覺

頓加

和許子遜中秋風雨後看月即次原韻二首

風雨初更歇涼蟾已在天
泔泔終不濕炯炯只孤
懸髮映千莖白秋逢兩度圓
三吳烽堠靜絃管自
年年

過眼經殘雨當頭見碧霄
依然金魄滿未覺日光

遙天官家謂月借座客因詩瘦鄉心仗酒銷
天工

憐令節既雨不崇朝

宗人鳳翰九日以古篆章及近思錄為壽却

寄二首

分携曾幾日又是菊黃時
古既將遙意前非愧晚
知本源猶彷彿臭味肯差池
珍重指眇目移檠讀

近思

居然古遺直能賦復工書
駁骨非凡骨鹽車亦鼓
車千秋意寥濶一飯俗齟齬
好使悠悠者持籌識
緒餘

夜望金山

山上琳宮轟女牛
塢中燈火照真州
扼江全鏢三吳氣
注壑橫當萬里流
斗拔波心何枕藉
遠迷烟影著沉浮
妙高本擅東南勝
放眼睛天孰倚樓

乙卯仲冬望後十日阻風重上燕子磯遠眺
鴻跡天涯又此亭
塵纓未濯愧山靈
錮金地尚留

寒氣

是日寒甚

占斗人方望歲星

沿江之田夏中被水

江浪挾風

千浦白澗松蕪雪一冬青計時賴是吹葭後屈指
春陽啓蟄扃

燕子磯阻風二十二日風轉曉發至京口

今日乘風昨石尤人間順逆總悠悠雞聞殘唱連
鍾阜山者餘青入潤州吳估舊諳因水便楚帆新
報轉蹉優東南生意偕誰計數仰江雲掉白頭

白燕二首

瓊膏初染羽毛新重向重湖覓故人遲日不融梁
際雪生綃還戀掌中身一痕瑤圃餘前壘幾樹梨

花共暮春又是清明微雨後玉堂開處正無塵
玉作身材似葉輕刺桐花發半巢成夢隨烟散塵
踪杳心逐雲歸雪嶠晴有色何曾相假借不羣仍
恐太分明素衿一種差同調還笑籠中解語鸚

又禁用珠玉瓊瑤梨絮霜雪潔白淨皎等字

再成二首

西方受氣有微機元鳥羣中偶覺稀瑞表不勞隨
貢使素心未解厭貧靡仙禽色共輸君智

莊子鳥莫智于

鷓鴣客髮秋同羨汝歸會取韜光無限意木蘭花外

貼枝飛

也乘社日撲簾櫳不擬離羣已不同無垢豈緣朝
雨洗當花倍覺杏梢紅化知海國千年後影沒仙
雲一氣中聖女釵頭歸未得春旗空自颺靈風

題畫

文君

粉繪應難寫舜顏遺臺猶憶昔躋攀琴心詩意知

何似記對芙蓉看遠山

昔曾登臨卬琴臺時芙蓉
感開遠山如西千載猶髣

也

昭君 三首

方張越網鑠金籠第一人翻出後宮始識丹青工

狡獪妍媸不在畫圖中

一葉隨風入塞雲漢家不警棘門軍可憐靡靡禮

糟曲也抵籌戎魏絳勳

杜陵梓澤兩詩人一語標題艷古今故塚遺村寥

落後江花塞草尚風神

班婕妤

紉得秋蘭佩獨芳却依長信望昭陽扶風家世風

派在更許曾昭乞瓣香

飛燕

飛來天上奉延陵掌裡輕身得未曾歌泣好憑通

德記他時共剪夜窓燈

綠珠

量珠不感價偏多祇欲身酬懊惱歌會得青陵臺
畔語南山有島北張羅

道蘊

倫擬聊方謝氏賢封胡羯未敢隨肩名言已自過
仁祖秀句猶應壓惠連

玉環

畫作臨鏡態

衆槩無恩已獨妍尚臨粧鏡惜流年春來粉黛三
千女解倚薰籠也自憐

魏國夫人二首

翩於驚鷺麗朝霞桃葉桃根恰一家為惜尹邢湏
割宅標枝橫放出墻花

走馬來觀待八姨花奴羯鼓玉奴絲何當拋取
蒼曲聽唱汾陰嚼蠟詩

盼盼

瑋瑁雙棲更獨留牡丹風嫋不勝秋彭城轉為寬
裳女重記尚書舊節樓

昔人考張尚書為建封子是則無功澤于彭城其流

播因盼盼耳

小青

畫其聽雨詩意

獨拚陳編夜向深
隔牕雨共淚
泔泔好教留取酸
辛語觸撥人間父母心

洛神

竊攀宋玉擬齊名
贈枕虛傳作賦情
十二峯雲飛不到
楊林無雨洛川晴

有以美女畫扇索題者
隨意口占各書絕句

持紈獨坐者

衫裁越葛秋雲薄
扇掩齊紈片月圓
一點嫩涼生雨後
十分花氣到庭前

一人自舞旁有孔雀張屏者
四首

自翻小譜按空庭
不領笙歌佩舞鈴
略借斜陽為照影
更教孔雀替張屏

振彩飛光自不禁
多情癡煞嶺南禽
好從妬舞開屏處
識取人間衆女心

妙技竒毛得未曾
官中第一莫誇矜
極高處是先寒
露珍重紅樓窻上層

相伴惟餘一鳥馴
弓彎偷試越羅新
唐人句舞袖弓彎渾忘却
蓋舞任他墻角長
檠在不擬金堂舞
向人勢也

虛窻閒凭者

水晶簾底梳頭罷
脂粉污人不更加
桃訝太紅梨

太白等閒不種隔窓花

持扇望月者 三首

樓鼓三聲秋一半碧天如洗挂瓊輪十分清絕無
塵處剛合中間著此人

心似靈犀並月明神如玉雪與秋清誰何只夢巫
山雨不放青天一角晴

獨悵前蹤黯自嗟偃持紈扇忘煎茶瓊樓舊事今
明甚記倚冰輪看桂花

倚垂柳久立者 二首

花似頰霞艸似茵鈿車咽路踏青辰空園不語憑

芳樹已自禁

平聲春更送春

望遠凝眸草際天春來不踏畫秋千闌西舊是攀
條處一樹垂楊又放綿

臨鏡者 二首

對鏡身疑八月身流傳竊藥事非真飛瓊舊是神
仙種自合天邊倚桂輪

懶擲風神付畫師妝成臨鏡語移時人間第一傾
城影除却殘燈獨爾知

凝眸苦吟者 二首

特著心神寫謝班別誇標格鬪荆關無窮詩境橫

波裏一段吟情淺黛間

傾國風神之比倫苦吟贏得瘦生身過人不擬誇
顏色剩作詩中絕代人

斜倚午睡者

巫雲十二情何有蓬海三千夢也無采苾剛完為
絡罷神閒贏得睡工夫

執卷獨行者

曾執魚編立講庭十年踽踽不吟嬾從詩孫壽新
粧樣長把曹昭舊授經

且園七兄筆畫為熊務先年姪題

吾兄英磊人繪事挺拔俗浮沉人海中衆態幻寒
燠強弩擬魯縞颶車擊齊轂惜惜五十秋坦坦額
不感退食屋打頭荒庖烟不續凭几拂硯塵照窓
爛晴旭興發風雨來機迅鶻兔逐萬狀露端倪十
拍任拈觸一一富生趣不為法所局方其得意時
墨瀋遍巾服泰山小秋毫矧復繫榮辱茲幅獨用
筆義於故舊篤傑松青入雲茵艸芳被谷林聲風
可聞巖春花似馥勝地氣象千平石望者獨會心
絕町畦喪我忘誰孰不記水濁清安知足伸縮澹
然濠上情展玩豁心目人生本內腴百嗜紛外屬

軒笠何崇埤世趣自淵陸翹翹肥遯派漱石鄙食
肉苟非遊無窮晏安亦耽毒但化北遊知蕪屏南
海儻僂僂寰壤間俯仰原至足

題新柳春禽圖

四首

江柳初柔日漸遲金衣飛上麴塵枝就中傳得春
消息花事三分正好時

舊筇重開獨涕零皇州鶯囀記同聽分明携酒當
年事西苑西頭柳窳青

食柳吳農歲屢艱劇軋愁濕倍相關年來衰髮星
星甚心折黃鸝白鷺間

花朝過後禁烟前又是鄉山種麥天辜負耕犁歸
未得春禽春樹換流年

題十八羅漢渡海圖

真一生水運氣樞包舉坤軸載巨輿天漢下會注
大壑川瀆騰逝歸尾閭不名一水有衆水厥量無
際非江湖覆九迷廬廣輪輻東西轉浴浮圓執冥
鯤穴鯨小么麼有若太倉容一稊坎德最勝王百
谷朝潮汐汐猶吸噓小波萬弦激戰弧大波千霆
逐電車中央一水三千餘不波不流如練鋪鳥毳
亦沉矧舳艦十八開士翩飛鳧妍醜肥瘠殊形模

不藉行雲御飄颻一一自渡無携扶藪龍馴獸當
折蠶蹠踏止水成盤盃中流一顧週穹壚天水共
色涵空虛碧琉璃光射兩矚蓬嶠三山粒米孤齊
州九點青糝糊袈裟一角燥不濡萬里徑濟纜須
臾其來無自去無徂游行溟渤等潢汚聊示象教
非嬉娛張子汝霖繪為圖龍眠遺法窮三隅無乃
亦一學佛徒而我諦觀識性初人間欲壑漏所瀦
分別逆順纏華萼所知一念轉自愚汨沒弱海長
淪胥涸之唯有牟尼珠光智返照九日如地海人
海源豈殊非岍非渡渡者吾兩際際斷即舟桴水
見不現海已枯種筠之叟一技無世波彌天原坦
途

次沈子大館丈韻題且園七兄所繪飢驅圖

三首

繪物繪衆類優游各遂生繪人繪隻軀瘠餓如有
聲吾兄非善謔中具飢溺情深抱我惻惻寧嗤彼
營營溝壑拯豈易秦越懷非平官齋展是圖心疲
若有櫻一夫固吾徒矧逢世晏清

人生如飛花搖蕩逐便風或吹墮瑤席或墜隨飄
蓬造物固無意何乃號高穹富貴侈衆心貧賤玉

汝躬挺挺松栢枝
拔出樛木叢
道豈為舖餒賢聖
識所從
一瞬猶隙駒
七尺寧弱冲
聊甘笑憲病
勿復誇跼雄

仁為兆人心亦各憐
飢驅廣厦猝難構
何時乃慰愉
願自所能始
畢我力稍餘
相煦僅吹沫
亦潤轍中魚
窮施濟族
近達則週壤
壚方寸貴實
推奢抱善亦徒

擬古次韻

啞啞桑樹顛
天曉烏將兒
蚤起理蠶薄
不遑懷晏私
庶幾蠶事成
室家和且平
縫衣奉夫子
一縷紫

千情提筐下庭階
當樓聞搗箏
新曲聲冷冷
妾心方營營
營營亦何意
葉稀蠶待食
食蠶妾所執
非關衆嘆息
謂妾腸九迴
宛宛朱絃直
所冀蠶無飢
不知妾何辭
寄言樓上箏
亦賴繭中絲
舉頭祝鳴烏
願若慈烏慈
踏枝勿毀葉
閔斯幸不違
翳翳墻下陰
樹之十年期

重登正定大佛閣遠眺

三重登淨界
一佛見全身
闌記曾憑處
僧無舊識人
爰田分名畢
驛路別梁秦
迤邐雲山外
迴頭向

北辰

信陽道中

雲中隱約見遙岑
漸入烟蘿逕可尋
石瀨逗風紋似綺
礧松兼竹共成林
注坡馬足穿泥滑
過嶺樵踪印雪深
詩境現前吟不徹
就中光景似山陰

渡潯池有為玉食爭
如麥飯香句咏遺事者

廣其意成一首

田舍翁多十斛收
何如四海奉共球
君王已弃糟糠婦
一飯公孫敢望酬

過黃梁亭有感次帥學使題亭原韻

書生遺像尚高眠
授枕翁歸不記年
化國原非方

外地芒人祇見井中天
夢餘從去聲識槐柯幻
弦後

誰知桂魄圓南去一麾還
自笑輸他若水近神仙

又得二絕句

即此驅輪擁蓋時
夢耶非夢已應知
若教更待黃梁熟
辜負青瓷授枕師

夢覺都非正是時
若為留待至人知
亭中我亦題詩者
一例人間鄭士司

過湯陰見旅壁題句多弔岳王者予謂當時

殺岳退韓窳網死鼎檜罪實通於天然高
宗忘讐祈安之志既深且堅視數君子者

若艸芥無纖髮惜嚮意故檜投隙售奸芟
刈之如振槁落四人者去則有宋將相之
材盡中興之望絕不復可為矣人之云亡
邦國殄瘁孰使之然耶因述意為一長句
敢持和議作經綸已識官家不卧薪畫地六軍齊
卷甲渡河一旅遂無人共堯方擬耕莘佐高宗賜
檜閣額
曰一德格天以
阿衡擬之也申甫難留降嶽神十九年真堪慟
哭消磨俊傑此君臣

黃河

不媚雙橈舫能浮萬斛舟極天含健氣際聖有澄

流白馬隄全穩黃雲麥遍秋沄沄豈東注迴勢抱
神州

題倪穉疇侍御碧雞關圖即和原韻

方輿雄西南坤元氣未漓五雲起天未佳士鍾滇
池懷瑾不輕售甘拙嗤巧遲讀書盡寸晷夜以膏
繼之一一杞梓材莽莽梧桐枝採之中琴瑟郢匠
來同時羅致取其良並受韓歐知公餘共選勝遐
矚窮幽竒岩堯碧雞關一罇通荒陲濃翠撲眉睫
大白浮酒卮歸寫以尺幅詎倩夸娥移愧君持示
我使和琳琅詞無益敢不量擬闔姑射姿昔游恍

昨日感舊聊題詩

乞書

四十餘年侍從臣當時未學衛夫人乞書深愧殷
勤意春蚓秋蛇豈足環

長至後二日江岍獨眺

望遠獨徘徊天涯一水隈江趨東浦去雁背北風
來物態知應爾陽絨漸已開年年冰雪後香在犯
寒梅

洞庭阻風夜坐憶往歲泊此有舟師二首不
覺自哂因踵前韻亦成二絕句今我非昔

可以槩知

天籟端由地籟知子綦齊物乃良師風如牛弩波
如雪恰是先生隱几時

風伯深情我竄知殷懃相戒亦吾師生平幸免從
流下頭白非誇疾走時

曉起望湖上村落

築隄圍沮洳一線逼風湍地狹江湖濶漁多稼穡
難飢鴉啼樹早雪屋閉門寒千里陽和意持籌愧
另冠

寄內二首

已聞來鄂渚未見下潭州半月如三歲遙懷足百
憂未應風滯阻恐為病遲留目斷孤帆影天涯獨
倚樓

兩書俱不達十月又將闌遠夢愁相礙中宵月獨
看白頭憑慰藉多病望平安萬里來非易天涯已
薄寒

夜

鄰船聲呼酒扁舟獨掩扉未能成共醉可得免孤
醒雪重千檣白燈寒一穗青數聲深夜柝兩地定
同聽

臘日寄內

往者吾方病携扶仗子賢何曾知臘日不謂有今
年拙宦休論地生涯已荷天來朝歸可必煮茗話
深緣

官舍東有隙地闢為小圃結茅構亭春初課

童僕藝殖因成一長句

小園雪霽上燈前倚杖茅亭看劬田煖入柳容千
杪碧春柔鳥舌數聲圓富民方愧無佳術學圃還
應有舊緣節物關心時恐暮課耕端合在農先

承徐咸一進士見和鄙詩再疊前韻奉答

明和堂詩卷六
九
領節仍慙老馬前，築亭聊復勸耕田。木奴底要千頭足，雲子還祈萬粒圓。工部句飯抄雲子白髮雪逢春消未得，鄉山有約住無緣。慚君佳句相期許，一線羊腸敢競先。

紅白梅二首

比桃尤粲玉，尤瑳香散林。坳影印波朱，粉外饒傾國。在松筠中結古交，多種分庾嶺。原隣楚名滿揚州，不借何管領。東風蘇百卉，陽春爭待郢人歌。幾枝香綻上燈辰，山杏園梨託後塵。裁玉尚疑留舊佩，餐霞端合是前身。簷牙風少春應護，驢背詩

多客未貧記取一時雙絕代，衣裳不共共丰神。

牡丹二首

絕穠華，處絕無塵。姑射霞籠綽約身，綠住衆香憑管領。春輸全力與風神，半闌花韻非凡境。一歲韶光竄此辰，擬寄朝雲傳彩筆。人間今剩幾詩人，淡蕩風疑逗淺嚔。網緼香為護全身，芙蓉城畔初湔錦。燕子樓中薄醉人。白香山贈關盼盼句醉剩嬌勝不得風嫌牡丹花惜流年思故圃，獨留晚艷餞餘春。誰知第一穠華外，有味還儲藥籠辛。

題畫驢二首

身微未許駕高軒
廐冷常將繫短垣
走疾鞭仍同掣電
遞遲軍正未回轅
一痕斜日山隅路
幾處危橋雪後村
今日解鞍春草綠
昇平群沐息兵恩
秋田放荷浪仙恩
跼齧仍餘故技存
如汝人材堪令僕
笑他沽價陋羔豚
幾星棧豆留應位
十里莎隄過有痕
誰畫龍媒誇汗血
慣拋首蓄出橫門

雨晴署樓登眺

東南初旭照樓明
一月春霖此日晴
社燕欲來湘樹綠
岳山纔盡楚江橫
兩三村起炊烟白
六十年耕戰壘平

城北駱駝灣為地擬為

官家作田畷

王師攻吳逆戰地

夜郎况復已休兵

課耘亭看桃花

去年桃發時汶北推蓬
翫今年桃發時湘南策筇
看鬢雪日星星園花歲粲粲
衰遲又猶昨九十春已半
日月磨蟻旋塵踪
櫪駒絆寂寞花前尊
榛蕪物外觀武陵神仙源
忘機乃津岍方寸虛無倪
胡為自冰炭

二月晦日登課耘亭
所種桃盡開城之東北
隅民舍園桃尤盛
望若霞錦花光遥接
頤而樂之再成一長句

亭前紅影半遮楹，牆外頽霞欲逗城。一境田蠶占
月令，萬家烟雨近清明。題詩却哂劉郎句，種樹差
餘維社情。領略深春花下意，靜無言處一谿成。

三月三日登署樓春望

危樓西北隅，矚遠有佳致。湘雲將雨還，江晴衆山
媚。桃紅水外村，烟白崖際寺。千里青春深，四郊耕
者出。勾芒夫何施，亦行無事智。藹藹元和中，吾偕
百昌遂。

課耘亭菜花

肉食多鄙謀，菜羹有至味。蕪壤弃靡東，關之菽葵

芥汲灌，轉圓禱。分區劃方畝，遲遲春陽煦。冉冉纖
萌大，尺莖翠葦蕤。金英繁瑣碎，幽含郊原情。艷出
桃李外，流香越樊籬。畦畛不能界，布席風日佳。墻
西露晴黛，悠然抱甕懷。煩襟滌塵盞，頽慚四體勤。
轉識三農憊，比者穡事艱。樹藝人憲隘，充庾忘九
耕。療飢冀一快，湘南矧疲瘠。暄潤倚壚鞫，覩茲園
蔬昌庶幾。時物泰五穀，美且成野不珍。莢稗

送薑田三姪赴韶州太守任 三首

去年秋雨共山窓，今歲秋風別楚江。三帶左魚猶
領郡，一麾南徼更浮瀧。歌催去櫓聲何疾，燈照離

尊影暫雙破涕送行翻一粲喜馴飛雉靜驚虬
僮荒詩格漫嗤譚方駕群賢肯結驂得髓自知由
露晞探珠誰共到驪潭瓣香儋耳心相續片石韓
陵語未甘饒有飛霞堪丐乞試畱三昧嶺雲南
顧我支離愧老成鵠原餘淚尚紛橫諸兄凋謝無
前輩爾日搢持仗後生馬氏白眉方屈指謝家青
嘯擬歸耕遙遙門閤今何屬拭目宗賢繼世卿

初秋與查兩願話舊即次見贈韵送別二首

新秋已喜歲多稔况復君來意倍愉松瘦梅寒偏
蘊藉觚方絃直有規模知酬故友孤懷盡胸比澄

霄片翳無坐聽嘉言心自醉未須火急倒銀壺
巔毛如雪各英英冷暖休論世上情病尚憶雲原
鶴性老猶傾日亦葵誠共光燈燭何今昔屈數交
親半死生忽湯相逢還欲別送行怕聽早鐘聲

次查兩願原韻二首

催人節物三春後老我筋骸六十餘除穢偶然逢
隙地結茅即此是幽居未能勤體聊知稼已復憂
葵肯倦鋤自笑年年荒菊迎官衙莧藿日專與
耕愧原寧釣愧莊故人重喜揖黃香殷勤旋剪初
生韭穠稭初紅早熟秧衰後共饒棲谷意秋來莫

賦伐檀章倩君且助韶州守更遣輿歌樂麥桑

跋

先司農文良公之為詩一字句數易稿青黃朱墨
以次積使一事研究根柢鑄以精識一篇成諷詠
終日復十汰八九嘗謂詩貴精不在多也手訂五
集僅六百餘篇每以刊布請輒叱之吾存詩之旨
詳列編首矣爾小子但藏弄之已耳歲戊午公既
捐館吾母蔡太夫人進余兄弟啓篋笥且泣曰爾
父一生以文章受知

三朝功業在竹帛史乘傳焉他文疏當嗣出茲集
手自編定宜先成謹拜命以授梓然不敢輕示人

仍先志也顧故舊徧天下求遺詩者日至又不克
自緘秘以故味和堂集遂行於時惟恨耳目錮陋
不足以知先公所為詩校讐之餘多闕疑焉甲申
秋少司成桐山張樊川先生枉臨索刊本携歸竟
日夜讀其間寫刻舛謬考覈未詳者一一標示屬
重校披卷環誦心辛顙泚會疾作廢業滋久丙戌
春力疾勘閱凡字畫音韻之誤悉從標識餘仍其
舊亦猶闕疑之志也秋仲改刊工竣書勳既不敢
沒樊川先生之雅復不敢掩先文良公之真縷述
顛末用誌是集之所以成時

乾隆三十有一年歲在丙戌九月九日不肖男書
勳百拜謹識



吾祖司寇公于人不輕許可惟語及文良公輒曰
十六弟真讀書人也吾父中憲公與文良公宦轍
遙分吟筒響荅人謂竹林韻事穉幼方務帖括習
見熟聞妄興望洋之歎乾隆丁巳隨父道星沙適
公撫沅署中課耘亭成偕晴暉夫人及中憲公以
詩落之公曰是孫可教也於是凡所爲奏議文詞
並許雜誦然後知溟渤之寬如是如是乙酉歲穉
始歸里見石堂叔父詩亦滿篋頗類味和堂集請
其故叔曰詠課耘亭時吾尤少未學吟戊午中第
後旋悲失怙吾詩法近得自汝父汝父實親承文

良公指授者也。稱于詩亦未及稟。廷訓叔父又舉
示三昧。先河後海支分派合。其以是集為崑崙積
石歟。嗟乎前言未泯。墜緒難承。此日一堂相對者
有涕汗交流已耳。餘年卒讀猶願與吾叔共勉之。
丙戌九日從姪孫稱百拜謹識



